

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

**Meditationum evangelicarum pars secunda, hoc est:
Solida, ad descendam & exercendam, ex evangeliis tam
dominicalibus quam festivalibus Christi & sui-ipsius
notitiam, informatio**

Creide, Hartmann

Francofurti ad Moenum, 1682

De secundo

[urn:nbn:de:bsz:31-126164](#)

sibi præscribi tempus: sed ut omnia creavit numero, pondere & mensura, Sap. 11 v. 22. Sic tandem veniens veniet, & non tardabit. Hab. 2. v. 3.

De Secundo.

Accedemus nunc ad alteram partem, sive notitiam Domini nostri Iesu Christi contemplaturi. Hic nobis proponitur in Evangelio hoc nostro:

I. *Tanquam navicula sua gubernator.* Navigis ipsam gubernare non potest, sed habet gubernatorem & nauclerum suum, qui ad clavum sedet, & prudenter navem gubernat, ne in scopulos illidat & frangatur.

Nos quoque experientissimum gubernatorem habemus, cuius manum in mari pater eius celestis posuit, Psal. 89. v. 26. Propterea naviculam suam non illidi aut submergi patietur, sed dabit inter fluctus semitam firmissimam, Sap. 14. v. 4. ne confundatur aut pereat, 2. Cor. 4. v. 9.

Ipse novit justam semitam, in mari enim via ejus, & semita ejus in multis aquis, Psal. 77. v. 10. Novit, ubi scopuli delitescant, omnia enim sunt intime patentia oculis ejus. Hebr. 4. v. 13. Ipse experientiam habet venerum, eosque sub obsequio habet. Psalm. 18. v. 8. Ipse tempestatisbus adsuetus, quas passus est, tentatus, hinc potens est iis, qui tentantur, auxiliari, Heb. 2. v. ult. *Pyxidula nautica* est verbum Dei. Ad legem & testimonium, Esa. 8. v. 20. *Symbolum* sive *signum*, sunt Sacra menta, ut Baptismus & cena Domini, sicuti expresse *οὐρανικά* sigilla iustitiae fidei vocantur. Rom. 4. v. 11. Remiges sunt verbi ministri; Sic nos estimethomo, ut ministros Christi, 1. Cor. 4. v. 1. ubi in Gr. est vox: ὑπηρέτης, quae remigem remigiis.

adistantem quoque significat. Vela sunt, vera Dei invocatio, & præsertim crux, quæ naviculam impellit, ne à blandis mundi Syrenibus remorari se patiatur, sed tendat ad destinatum scopum, ad bravium supernæ vocationis Dei, in Christo Iesu, Phil. 3. v.

14. *Anchora* est ipes, quam si habemus firmam, incedere usque ad interiora velaminis possumus, ubi præcursor pro nobis introivit Jesus, Heb. 6. v. 18.

Quodsi itaque cum Christo navigamus, non est, quod naufragium pertimescamus; sed tandem ad portum cœlestis patriæ felicitate appellere possumus.

Cum Columbus novum orbem reperisset, post multa pericula, sociis tandem suis, qui moram diuturniorem ægre ferebant, animum addebat, exclamans. Terram video, terram video.

Multo magis nos, qui in impetuoso hujus mundi pelago navigamus, multisque periculis jaçtamur, dicamus: Cœlum video, cœlum video apertum, & Jesum stantem à dextris Dei, Act. 7. v. 36. vel cum Poeta: Inveni portum, spes & fortuna valete,

Nihil mihi vobiscum est, ludite nunc alios.

II. *Tanquam periclitantium tentator.* Hic Christum quidem tempestate surgente, dormire audimus: at cor ejus vigilat tamen, & observat facta & gestus discipulorum, id eo timidos vocat, ut pusillanimitatem cum tamē Christum secum in navicula habeant.

Adhuc hodie, quando Christus dormit, re videtur, ideo fit, ut fidem nostram probet, quæ optimus Christiani thesaurus est, qua Christum induit, ut in corde suo habitet, Eph. 3. v. 17. cuius virtute mundum vincere, 1. Joh. 5. v. 4. Satana resiste re, & vitam æternam impetrare potest, Joh. 3. v. 16.

Quia

Quia vero multi sunt, qui de fide gloriantur, & ore dicunt: Domine, Domine, Matth. 7.v.21. factis verō negant, Tit. 1. v. 16. aut ad tempus credunt, & in tempore temptationis recedunt, Luc. 8.v.13. Ideo examen instituit Deus, ut qui probatis sunt manifestiant, 1. Cor. 11. v. 17. non quidem respectu sui, qui corda & renes scrutatur, Jerem. 17.v.10. & novit, quod in homine est, Joh. 2. v. 25. sed respectu nostri, ut infirmitatem nostram agnoscamus, & cum Paulo in infirmitate gloriemur, quo Christi virtus in nobis inhabitet, 2. Cor. 12.

Dolorum enim & ærumnosum est cor hominis, Jerem. 17.v.9. Dolorum, si prospere fortunæ flatu utamur, Psal. 144.v.12. 13. At ærumnosum, quando fluctus tribulationum insurgunt, & victus naviculam operire aut submergere satagunt: tum enim animis cadimus, & cum discipulis Christi exclamamus: perimus! Ut hæc duo extrema vitemus. Deus fidei examen instituit, ut regia via incidentes, in prosperis non attollamur, in adversis animum non abjiciamus. Omnia enim bona & mala, vita & mors, à Deo sunt. Sir. 11. v.14.

Scimus tamen, & certi sumus per Spiritum Sanctum, quod non in æternum irascatur Deus: sed in momento indignationis abscondat faciem suam parumper à nobis, Esa. 54.v.8. Deinde vultum amabilem rursus ostendit, conturbantur enim viscera ejus super nos, Jerem. 31.v.20.

Ideo per impatientiam ne desperemus, sed animo tranquillo simus, cogitantes. Deum fidelem esse, qui non patietur nos tentari supra id, quod possumus, sed faciet etiam cum temptatione evasionem, ut possimus sustinere 1. Cor. 10.v.13.

Et quando nos satis in fornace tribulationis probavit, tum quasi holocausti hostiam accipiet nos, Sap. 3. v.6. & in gaudium cœlestis introducit, ubi in signum victorizæ, palmas in manibus gestantes, Deum celebrabimus, propter omnia bona, quæ nobis in hoc mundo exhibuit. Apoc. 7. v.9.

III. Tanquam maris & ventorum Imperator. Surgens enim imperavit ventis & mari, & facta est γαλήνη μεγάλη, serenitas magna. Quo indicatur, quod non modo austera illam tempestatem sedaverit: sed cœli quoque serenitatem, & amabilem solis lucem reduxerit.

Sic Servator noster Jesus, verus ille Galenus est (ἀγέλη τιδendo ita appellatus) qui unico verbo motum maris, & ejus fluctus sedare & sopire potest. Pater enim cœlestis, omnia pedibus ejus subjecit, Psal. 8.v. 7.8.

Si pilicibus mandat, in rete se conferre, ut capiantur, oportet, Joh. 21.v.31.

Si avibus mandat, eas in magna frequenter ad volare oportet, ut maestentur, assentur & in cibum adhibeantur, Num. 11.v.31.

Si igni mandat, vim flammæ reprimere tenetur, Dan. 3.v.22.

Si ferro mandat, aquis innatare, conveniens est, 2. Reg. 6.v.7.

Si soli mandat, cursum sistat, oportet, Joh. 10.v.13. Summa: Ignis, grando, nix, fumus, spiritus procellarum, faciant verbum ejus, necesse est. Psalm. 148.v.8. Hinc multoties in Evangelicâ historiâ legimus, quod vel solo nutu lepram, paralytin, febres, cœcitatatem, hydroponem, surditatem, imò mortem ipsam curaverit. Dictum enim ejus est factum Psalm. 33.v.9.

Nec tantum tempestates Jesus noster sedare, sed & aeris serenitatem & solis amabilis vultum reducere potest.

Jacobus Patriarcha diu ob amissionem filii lugebat & plorabat: sed tandem vicissim exhilarabatur, cum cum vivere audiret, Gen.39.v.45.

David integ. um decennium in exilio exulabat: tandem perveniebat ad regnum, 2.Sam.1.v.1.

Hiob opibus & sanitate orbus, tandem utriusque gaudio perfundebatur. Job. 1. v.42.

Sic adhuc hodie, qui ei confidunt, è tribulatione eripiet, & glorificabit, Psal.91.v. ult. Thren.32.33.

Invita æternaveniet, αλληλων, æterna serenitas & tranquillitas, cui nulli venti, procellæ & tempestates sese admiscebunt, erimus enim in habitatione pacis & in requie securitatis. Esa.32. v.18. Ibi replebitur rīlo os nostrum, & lingua nostra exultatione in æternum.

Largiatur id nobis ex gratia Deus pater, per filium suum Jesum Christum, Servator nostrum! Amen.

Dominica V. post Epiphanias.

Evangelium, Matth.13. v.24.---30.

EXORDIUM.

Cum Patriarcha Isaac, alienigena in Palæstina esset, serebat in terra illa, & inveniebat in ipso anno centuplum, benedicebatque ei Dominus. Ob hoc invidabant ei Palæstini, omnesque puteos, quos foderant servi patris illius Abraham, obstruebant. Gen.26.v.12.

Hac in parte Patriarcha Isaac typus Christi fuit, qui etiam agriculturam suam habet, quæ est Ecclesia, 1.Cor.3. v.9. Semen est verbum Dei. Luc.8.v.11. Verbi ministri sunt cooperarii, 2.Cor.6.v.1.

Sicut itaque Isaac sevit, accepto centuplo fructu: Sic Christus quoque pertransiit Judæam & Galileam, & multas præclaras conciones habuit, non sine insigni fructu, turba libenter eum auditiv, Marc.12.v.37. & miratis sunt in verbis gratiæ, quæ procedebant de ore ipsius, Luc.4.v.22.

Adhuc in hodiernum diem ministros suos mittit, qui sunt fideles animarum Pa-

stores, hos pergere oportet, ubi ipse incepit, & verbi divini semen seminare, mane & vespere, Eccles.11.v.6. oportune, importune, 2. Tim.4. v.2. ad præparationem sanctorum, in opus ministerii, in ædificationem corporis Christi. Eph.4.v.12.

Quanto diligentior itaque seminator, & maturior messis est, quæ inseguitur: tanto magis diabolus exacerbatur. Et sicut Palæstini Patriarchæ Isaac invidentes, puteos obstruebant, quod largiter ei benedixerat Deus: sic diabolus omni conatu, incrementum seminis verbi divini impedit, & seminatori vitam acerbam efficit, ut gemens officium præstet. Hebr.13.v.17.

In prælecto Evangelio, zizania in medio tritici inveniri, audimus. Quando vero servi patrem familias querunt, unde habeat? Respondet ipsis: Inimicus homo hoc fecit nempe inimicus diabolus, coram quo gaudet mortore, Job.41.v.13.

Nos